

الكتب القيمة المخزونة الكاملة لقومية هوي الصينية

回族典藏全書

吴海鷹 主編

甘肅文化出版社
寧夏人民出版社

197

主 編 吳海鷹

副主編 吳建偉

雷興魁

雷曉靜

回族典藏全書

197


甘肅文化出版社
寧夏人民出版社

第一百九十七冊 目錄

黃池隨筆	清石印本	清·馬時芳		一
挑燈詩話	清石印本	清·馬時芳		九五

文獻名 黃池隨筆
作者 清·馬時芳
版本 清石印本

黃池隨筆



黃池隨筆題辭

終夜不眠攬衣而起明月入窗涼颼侵體夫人之所宜知者余或亦粗有以與知矣人之所宜能者余或亦粗有以與能矣惟道岸之湯湯情耿耿其難已西行者日東流者水為剛為柔就泰就否我窺其表未測其裡如能教我即其弟子嗚呼若有知而無知若有能而無能念誰為之啟鑰望美人兮屏營丙子春二月中夜感賦昔余方草黃池隨筆即書作題辭用見余殷殷求教之意云鈞陽馬時芳識

文獻名 黃池隨筆
作者 清·馬時芳
版本 清石印本

黃池隨筆

本學質本凡庸學無聞識夙稟父師之訓常懷隕越之憂轉瞬青平已成
白首茲蒙

朝廷簡發來此為諸生師雖學問之道自顧缺如而職任所存未容默尔
蓋聞理非外鑠本於心以為推學戒浮言徵諸事而後實聖賢可學古不
我欺忠孝為先人其自靖况黃池中原勝地振古名區河水環其南太行
峙其北其俗守先王之教其風有君子之思難動以非易感以義慎威儀
之抑抑衛武公惟懼有愆不墜行於冥冥遽伯玉定能寡過若姚樞之逢異
數似韓擒之建奇勲是皆後耀而前輝所謂地靈而人傑攬茲勝概不異
於前必有英流出於其際諸生或負笈於師座或受學於家庭奮志前途

文獻名黃池隨筆
作者清·馬時芳
版本清石印本

文獻名 黃池隨筆
作者 清·馬時芳
版本 清石印本

黃池隨筆

卷上

留心歲業本學興諸生素隔河山今同几席當是風分夫豈偶然願諸生
各提本心無荒厥事戒懼而行必潔勤修而業益精為國儲材即家有
慶若果明體而達用必能尊

王而庇民立効以報朝廷揚名而顯父母於以副菁莪之化於以酬鞠
育之恩不其庶哉是所望也夫立身之法首重德行而考課之方先觀文
義德行難窺於一旦文義可見於當場且春秋籲俊為

朝廷功令所垂而文武設科乃士子進身之路所關大矣可不勤歟今本
學當蒞任之初敬與諸生約文生定於本月日昧爽齊集黉宮前率

謁

先師禮畢閱試詩文武生定於本月

日昧爽齊集黉宮前率謁

先師禮畢閱試弓箭就其工拙判以高低觀喜為摩積憤生勵非虛循吏
故事務實抵於成功惟當天寒歲暮之時具有路遠年高者聽過此以往
再訂時期盡力以求要諸久遠懷區區而不盡意款款以相需幸無後尤
自取愆期之累為眾觀笑用貽吾黨之羞為此示知勉哉勿忽

諭封邱閣
學諸生

違教兩載渴思殊深去秋出闌至今即寓欲藉以奉候而是早已歸去願
望門闌悵然而返茲弟選封邱教諭在省領憑得晤趙令親知北堂康
健大哥安泰并悉近事浣慰浣慰夫吾儒之學必課諸事而後實談元
渺薄事功自宋儒始也士大夫好尚中於人心下為風俗而上為政教孔
明謝安石皆能以一隅爭衡中原宋以全盛之勢遇敵即走竄於臨安是
時尚有天下十分之七端拱喘息甘為小朝廷而弗耻人皆謂朝廷無人

文獻名

黃池隨筆

作者

清·馬時芳

版

本

清石印本

文獻名 黃池隨筆
作者 清·馬時芳
版本 清石印本

而不知學術之浮濶有以基之厲也流風相扇至於今未已吾兄試看
世間凡高談闊論崇攻簡冊者有非夢夢者乎是故我朝聖明國家
大事並不靠此等人而書生兩字竟成舉世詬病有由然也他姑勿論即
如前輩方靈皋最稱精博乃不識戴名世與相結納幾陷於族近日尹嘉
詮亦一時矯矯乃自為其父請入孔子廟庭有是事耶如此糊塗安望
其當天下事蓋古人即事為學學焉而日通今人離事為學學焉而日空
如之何其可也吾乃因之更有所感與大哥肺腑之交畧為疏發伏維
詳鑒我夫子之與點也當時師弟言志從容鼓瑟公言異三子不敢言與
夫子之問異也即其言志亦不過流連光景始終一狂士故態夫子嘆曰
與點所以嘅三子皆堪有為而不見知而已亦栖栖徒老於行反不如點

之隨時有以自樂也下厯論三子辭氣未平猶是喟然餘音注未悉言外之意泥其言而極推之至以三子為規規於事為之末嘻是何言也並孔子亦在下風矣熾陽平生篤實畏謹突出此論有似何鄧餘唾與聖門課實之詣全相刺謬亦咄咄快事自是崇議論薄幹濟脫繩檢流弊無窮由於不切求諸心而自信輕也向與大哥聚處累月無所不言獨未嘗一及此等處今畧為言之者亦謂吾輩皆年近遲暮欲使子弟後輩聞之畧開眼界引伸觸類不致終矇眊於近日世局中或可得有體有用經濟良材未必非國家興賢育德之一助耳聖賢之道期歸至當夫子謂朝聞夕死人生唯爭此一點氣質鈍又不得與良友共相切磋雖矻矻不敢竟日放廢靜退守拙近畧打疊得無甚顯然疵瑕可以指數而此心忽忽廢

文獻名 黃池隨筆
作者 清·馬時芳
版本 清石印本

文獻名 黃池隨筆
作者 清·馬時芳
版本 清石印本

孔時開未見湊泊歲不我興已成白頭將來不知究竟何如 大哥愛我
當更有以見誨所居雖遠於前而音書較便好望不盡上 鳳崖大哥先
生座側

少時見一長親年七十餘家極貧而容貌豐腴善談論一日掀髯笑謂人
曰狀元及第也是一日死囚押赴市曹也是一日苦樂懸殊如是是豈彼
之所為哉命也其喜也浮也其悲也愚也人生如弱草栖塵隨風飄飄何
所容心哉斯言近於達人

荆公少以意氣自許嘗作詩云天下蒼生待霖雨不知龍向此中蟠歐陽
公一日被酒語其子渠曰吾詩廬山高今人莫能為惟李太白能之明妃
曲後篇太白不能為惟杜子美能之至於前輩子美亦不能為惟吾能之

也是言也使後之觀者面為赭頰為此不審二公當日何由出諸口也宋時此等習氣中於士大夫骨髓間不可湔洗其亦由於諸如此類者為之大唱於前歟夫人之器量本乎識韓魏公聞人一善曰非琦所及見人一長曰非奇所及康節邵子學高天下亦如無有其器識為何如耶文若助曹與程郭吳蓋欲借其權以就功名觀其諫稱魏王可知也人皆知其為諫魏王死而不知其死在聞伏后之事之時也在文若諸多為曹劃策寧無腴腆違於素心姑以為輾轉緝縫且兩持之可幸無罪以自行其志耳至聞伏后之謀則立窮矣發耶則為無君秘耶則為無曹夫恃力者即奪之以力之所不能勝恃智者即奪之以智之所不能謀人奈何與天爭權哉

文獻名 黃池隨筆
作者 清·馬時芳
版本 清石印本

文獻名 黃池隨筆
作者 清·馬時芳
版本 清石印本

大白蜀道難於駿逸中自具節制而且立意深厚使讀者一唱三嘆挹挹不盡全是天機勃發何與人力賀黃門所驚嘆以為謫仙者也歐陽公廬山高如劣馬脫羶儘力奔馳但見怒張喘汗耳

自顧所得已多一切意外坎壈故為公所應尔不然何以見天道之公平悶焉者愚安焉者智且焉知夫彼造物者之非以是瑣瑣對折焉以少厚其寒薄之命而曲以愛之耶如是則尤在所宜喜云勿言勿言湯成短句時乙亥六月初七日懜然循僻徑早已失歸路及至達仙人纔知不是誤凡不如意之事皆古人所經其逐之而動者必非奇亡何也世界本變幻無常雖大力者不能執以從我亦惟是聽其條來條往而已所謂無異鴻雲過太空也此謂我大而萬物皆小

或曰子嘗云於此而是移諸彼而或非矣於前日而是至於今而又以為非矣敢問何謂也曰即以鄙人言之四十歲前進著風烈退有盛譽四十歲後進恩循分盡職退思隨高就下而已何所標異於人哉然吾又能必其是非耶

敬啓者敝學舊有花戶汪某支用馬牌半符其向來緣由晚亦未詳但上手遞傳遂尔收存今聞尊處需用此馬一戶難支二差所有馬牌未便收存謹遣役將汪某馬牌半符繳上照奪虔請

陞安不一繳馬牌與縣尹書

越二金公持錢酒一彈手書大春字封誌其上人嘗云金公多疑而煩頗不枯非良策
昨繳馬牌原因未悉緣由不便收存承示甚悉則此牌仍以繳上為是至云有無影射情弊事始前任李今已物故

文獻名黃池隨筆
作者清·馬時芳
版本清石印本

文獻名 黃池隨筆
作者 清·馬時芳
版本 清石印本

父臺請問該馬戶復奉候不宣
再繳馬牌答縣尹書

向者恐事不成手自經劃今既復衣頂本學事完矣何必勞盃酒之儀乎
多謝多謝但此後須好生作人讀書學文本學亦不敢憚勞勤加督課期
與詳稟符合幸勿使本學因生受累致干未便就此告辭不宣
復附生張書軒衣頂

辭酒

札
封邱學府寄名僧斗免元離後每季納常規若干學官一切支度應酬大
僧生鄧某已蒙開放謝謝僧生之設原為伺候丁祭大典今封邱樂

都取諸此目之與縣多致齋齋自此書後縣公傳齋地休等不復濫報
器損壞無存故僧生亦歸無用然樂器雖缺相沿交代如常並未聲明而

美

僧生每歲考前本府提督學院牌行各學造冊送院取足額數缺者

補之正額六十四名待補八名敝學今歲所報底冊猶存皆實有其人不

比樂器空列名數蓋樂器久而必朽人則相續以生自不容擅名抵報要